

開放文學 – 神鬼仙俠 – 唐三藏西遊釋厄傳 玄奘秉誠建大會

貞觀十三年，歲次己巳，九月甲戌，初三日癸卯良辰，陳玄奘大闡法師，聚集一千二百名高僧，都在長安城化生寺開演諸品妙經。那皇帝早朝已，率文武多官，乘鳳輦龍車，出離金鑾殿，徑來到化生寺前。吩咐住了音樂響器，下了車輦，引著文官武將，拜佛拈香。三匝已畢，抬頭觀看，果然好座道場，但見：

幢幡飄舞，寶蓋飛輝。幢幡飄舞，凝空道道（原缺一「道」）彩霞搖；寶（原作「寶」）蓋飛輝，映日翩翩紅電徹。世尊金象貌臻臻，羅漢玉容威烈烈。瓶插仙花，爐焚檀降。瓶插仙花，錦樹輝輝漫寶剎；爐焚檀降，香雲靄靄透青（原作「清」）霄。時新果品砌朱盤，奇樣糖酥堆彩案。高僧羅列誦真經，願拔孤魂離苦難。

卻說太宗就與眾文武一齊登壇，禮拜拈香，參了佛祖，拜了羅漢。又見那大闡都綱陳玄奘法師，引眾僧羅拜唐王。禮畢，各安禪位。法師獻上濟孤榜文，遞與太宗觀看。太宗就當案宣讀：

至德渺茫，禪宗寂滅。清淨靈通，周流三界。千變萬化，統攝陰陽。體用真常，無窮極矣。觀彼孤魂，深宜哀愍。此奉太宗皇帝：選集諸僧，參禪講法。大開方便門庭，廣運慈悲舟楫，普濟苦海群生，脫免沉痾六（原作「河大」）趣。引歸真路，普玩鴻蒙；動止無為，混成純素。仗此良因，邀賞清都（原缺一「都」）絳闕；乘吾勝會，脫離地獄樊（原作「凡」）籠。早登極樂任逍遙，來往西方隨自在。」

卻說太宗看了孤魂文榜，滿心歡喜，叮嚀僧道，虔心佛事。就令眾文武排駕回朝，待七日正會，復請拈香。眾僧道重（原作「童」）登壇誦經，又聽下回分解。

三乘妙法請展開，諸佛菩薩降臨來。